

A O le feau a le Atua (Faaaliga 3:14-22):

❖ Iloiloga (Faaa 3:14-17)

- O le fe'au i ekalesia e fitu o lo'o fa'aalia ai le tulaga o le ekalesia i le lalolagi mai le taimi o le au aposetolo e o'o mai i le taimi nei (Fa'aaliga 2-3). I le folafolaina o le fe'au mo o tatou aso (Laotikaia), o lo'o fa'aalia ai e Iesu o ia lava o "le Amene [le Upumoni], o le molimau fa'amaoni ma le moni" (Fa'aaliga 3:14).
- O le vaavaai ifo ia i tatou lava, tatou te iloa ai le mea moni ia i tatou lava: "Ou te se mauoa, ua faatamaoaigaina au, ou te le mativa foi i se mea e tasi" (Faaaliga 3:17a).
- A ua silafia e Iesu le mea moni, o lo tatou moni: "O oe o le malaia, ma le pagatia, ma le mativa, ma le tauaso, ma le le lavalava" (Faaaliga 3:17e).
- Ua oo i le taimi e iloilo ai i tatou lava. Pe ua ou iloa ea mea moni ua ia te a'u, ma mea o loo o'u mana'omia pea? O le a se maualuga o le tuputupu o la'u mafutaga ma Iesu? Po ua ou suia ea mo le lelei?

❖ Fofu (Faaa 3:18)

- Talu ai o le lagona to'afilemu i o tatou tulaga e mafua ai le leai o se lagona (faaleogalua), ua fautuaina i tatou e Iesu e fai mea e tolu:
 - (1) *Faatau le auro ua faamamaina.* Aua le faamalieina i ni upu moni e le atoatoa poo suesuega papau o le Tusi Paia. E tatau ona lafoaia aoaoga faavae faaletagata (ilaila) ma ia sailiili loloto suesuega o le Tusi Paia e aveesea ai mea le atoatoa uma (otaota) ma lo tatou malamalama i ai.
 - (2) *Faatau ofu sisina.* Ia talia le amiotonu a Iesu, pau lea o le ala e maua ai le faaolataga. O le manatu e tuuina atu i tatou lava i luma o le Atua e ala ia tatou galuega o le amiotonu o le faaali atu lea o i tatou lava i Ona luma e le lavalavā.
 - (3) *Faatau vaimata.* Talia le Agaga Paia. Na o la lava e mafai ona foa'i mai ia i tatou le iloatino faaleagaga ma fa'atalitonuina i tatou i lo tatou tulaga moni (Ioane 16:8).

❖ I'uga (Faaa3:19-20)

- E iai se fa'afitauli. Ou te lagona lou lelei faaleagaga, ae e finagalo Iesu ia fa'aleleia au. Ae peita'i, afai ou te le o iloa lo'u mana'oga mo se suiga, ou te le suia lava. Ou te le mana'o lava e fa'atau le mea ua ou manatu ua ia te a'u.
- Ina ia foia lenei faafitauli, e iai lava metotia a Iesu: "O i latou uma ou te alofa i ai, ou te aoai ma sasa"; ma la faaopopo mai: "Ia e salamo" (Faaaliga 3:19).
- E le leaga le aoaiga ma le sasa a Iesu. E sili atu Lona fia talatalanoa. E finagalo o la e nofo filemu ma i tatou ma talanoa... "Faauta, ou te tu i le faitotoa ma tu'itu'i atu; ai se faalogo mai i lo'u leo, ma tatala mai le faitotoa, ou te ulufale atu ia te ia, ma te talisua faatasi ma ia, o ia foi ma a'u" (Faaaliga 3:20).
- O loo tu'itu'i mai Iesu i le faitoto'a o lo'u loto ma o loo la fa'atali ma le onosa'i. E le fa'alavelave o la i lo'u olaga ma fa'amalosia a'u e faia se mafutaga ma la. O la'u lava filifiliga e tatala ai.

❖ Faaeaina (Faaa 3:21-22)

- Silafia e Iesu e lē faigofie le ala. Oa tatou taumafaiga e fa'atau le auro, le ofu sisina, ma le vai mata. Ua la silafia la tatou tauiviga e faatoilalo le faaleogalua, tatala le faitotoa, ma fesootai ma la. O le mafuaaga lea ua la fetalai mai ai: E mafai ona outou manumalo, e pei ona Ou manumalo (Faa 3:21).
- Ua la silafia tatou te lē laa lava i le la'asaga muamua. O le Atua lava la na amatamea.
 - (1) Na ia filifili e faia i tatou (Ken. 2:7)
 - (2) Na ia saili ina ua tatou agasala (Ken. 3:8-9)
 - (3) Na ia tuuina mai o la lava e faaolaina ai i tatou (Ioane 3:16)
 - (4) Ua la finagalo e tuuina mai so tatou tau: e nonofo ma la, ma fiafia i le faatasi ma la e faavavau (Faaa. 3:21)
- O le ki i lenei amio paia (lea e lē tatau ona tatou maua) o le alofa: "Ua ou alofa atu ia te outou i le alofa e faavavau" (Ieremia 31:3). E finagalo o la e i ai se mafutaga ma i tatou. Pe ou te fia i ai se mafutaga ma la? Pe o le a ou tatala atu ea lo'u loto ia te la ma alofa ia te la e pei ona la alofa mai ia te a'u?

E Suesue le mea moni (Ioane 15:1-11):

❖ O le lala ma le vine

- A o latalata ona maliu o la, na fetalai atu ai Iesu o la “o le vine,” ma o ona soo o “lālā.” O le ā le uiga o lana fetalaiga?
- E mafai e le lālā ona ola mo sina taimi e aunoa ma le pipii atu i le vine, ae mulimuli ane ona mago lea. Ina ia lē misia le ola e faavavau, ua aioi mai ai Iesu ia i tatou: “Ia outou tumau ia te a’u” (Ioane 15:4). I fuaiupu e 11 o loo faamatala ai e Iesu lenei faataoto i le vine ma lālā, ua ia faaaogaina ai le veape “tumau” e faaselfulu. O lona uiga e matua taua lava.
- O le tumau ia Iesu o le vaifofo lea o le faaleogalua o tagata Laotikaia. E le gata i lea, o le puna lea o le olioli (Ioane 5:11). Ae e faapefea ona tatou tumau ia Iesu?
- I le faia o mea e fialia i ai o la, o lona uiga, o le tausia o Ana poloaiga (Ioane 15:10). O se tali alofa lea i le alofa ua faaalua mai e le Atua ia i tatou (1 Ioane 4:19).

❖ O le sua

- I le taumalulu, e pipii atu lālā i le vine, ae latou te lē fua mai. Aiseā? Auā latou te lē maua le sua.
- E na'o le taimi lava o le tautotogo e maua ai e nei lālā le sua mai le vine, ona tupu mai ai lea o lālā (tatupu). O le upu Eleni na fa'aaogaina e Ioane e mafai fo'i ona fa'asino i lālā ua gauia ese ma toe fa'apipi'i atu i luga o le vine.
- Po o ni lālā mu'amu'a pe ni lālā gauia, e tasi le mea e manino: e mana'omia e i tatou le sua o le vine. O le ā se mea e mafai ona tatou fa'atusa i ai lenei sua?
- I le lauga lava lea e tasi (Ioane 14-17), ua tuuina mai ai e Iesu ia i tatou le faamalamalamaga: O le Agaga Paia o loo galue i totonu ia i tatou e foai mai ia i tatou le ola, pe afai tatou te mananao i ai.
 - (1) O la o lo tatou Fesoasoani (Ioane 14:16-17)
 - (2) Na te faailoa mai Iesu ia i tatou (Ioane 15:26)
 - (3) Faailoa mai ia i tatou le agasala (Ioane 16:8)
 - (4) Na te taitai tatou i upu moni uma (Ioane 16:13)